

處

實

堂

集

處實堂續集卷之七

庚辛稿

長洲張鳳翼伯起撰

五言古

穀日有感作

元日到人日未有不陰時今茲似疇昔却憶少陵詩少陵
處唐季天寶方亂離今茲昇平日恒陰豈其宜穀日亦既
處陰雲猶蔽虧發育藉陽和恹舒胡不時安得起曼倩考
占令決疑

詠俞子如雲泉

之子隆孝思海濱卜玄壤董園捐林薄原阡負高敞洪流

旋襟帶豐阜挾塏爽地肺効靈竅天心示指掌顧復敦方
寸淵源發尋丈呼吸月升沉吞吐潮來往初出魚噴微繼
激龍吟響豈惟洗塵耳亦可寄幽賞青鳥自揣摩華鶴亦
想象川后欣有隣天吳或時享瀛壖偃鉅石巖崕困草莽
移置具枕漱基階愜脩廣四周無斧鑿一舉備俯仰佑啓
辭孫枝雲仍並稽顙

即事

六月疲桔槔赤日一何酷孟冬稻登場靈雨連信宿兼之
殷春雷咎徵奚俟卜未賜半田租猶枵兆民腹人事豈錯
迨天道何愆伏三年急糊口無以充饘粥振衣顙彼蒼祈

成今歲熟

孟冬霖雨漫志所感

今日亦不雨明日亦不雨追憶庠水時揮汗苦煩暑今日
雨不休明日雨不休稻熟艱登塲何以慰有秋第將今日
雨易取前日晴雨暘乃時若萬寶始告成蜀地生三蘓眉
山草木枯豈緣鍾二輔靈秀拔三吳逸欲緣飽暖茲應生
道心民風日惡薄轉覺機械深當時負販者嘯聚多山林
賑令下九天歡呼萬井傳胡為沾恩日却憶賜租年堯舜
病博施乃輸文帝賢固知王居渙不若田租蠲蠲之國計
乏不蠲民命懸請問大司農兩難奚當先我本藿食者謀

國非吾事數口已嗷嗷束手慚自治支枕愁不眠濡毫聊
自志

王尚書輓歌

有生必有死往反固其常死者既復生生者復何傷青春
念疇昔泉石追壺觴以君一日長視我如鴈行浮雲薄軒
冕移晷齊彭殤握手相期許出處兼尊陽遠志成小章忽
焉參與商詎云親者踈鵬鷗殊飛翔中道慕赤松末路悲
長房璞玉既已剖珪璋不終藏丹車列八座白首返故鄉
方尋東山盟胡遽游大荒息駟作長別頌酒餘短章著書
虛紫氣遺體託黃腸何以慰魂魄錫壤承寵光

將進酒

人生若大夢達觀自徜徉彭殤無甚殊大夢有短長昔年
金谷園回首邯鄲道當時摠韶華而今多宿草江干憶舊
游美人江上樓春風能幾何倏忽成土丘流光春復春綠
鬢不常新無論軒冕士况乃蓬蒿人白日難揮戈駐顏無
大藥惟有盈尊酒踐爾花前約

懷古

十日索子房千金購張耳試問為誰敵云是赤帝子躡足
受吏笞屈膝納翁履螻屈豈所甘攀鱗自茲始

客從遠方來

客從遠方來問我今何為食牛雖待年牧豕已愆期夜伏
老驥櫪晨息鷓鴣枝濯纓過滄浪洗耳臨清池孝友亦為
政無煩顯者嗤

七言古

題陳道復書

老去元龍幾十年蕭疎殘墨尚依然烟中可看登山屐溪
上猶淹訪戴船二米風流久不作君今復作遼城鶴只今
藝苑不乏人誰復曾中富丘壑

能嬰引贈潘文學

東來紫氣何陸離著書五千玄在茲誰云返老無真訣專

氣致柔能嬰兒雪川公子耽玄素澄神豈獨閒居賦何論
短晷馳白駒一任長天走烏兔無煩大藥駐朱顏摧剛為
柔即九還異日丹成向天闕豈惟尹喜在函關

海棠怨

睡起中庭折海棠折來對鏡比容光未知妾與花誰好回
首含嬌頻問郎郎言妾貌雖可憐不及花枝耐歲年年
三月花如舊歲歲容光不及前不道無情花湯好却恠有
情人易老請君今夜伴花宿花若有情君不獨

梅子馬邀登虎丘贈之

五山能行擅風雅金陵返棹來吳下祇令傳舍歌無魚誰

遺臨邛客司馬乘秋携妓快登臨流水高山無俟琴且將
珠玉買歌笑莫問青雲誰賞音

思延去華過池上觀鴛鴦適就之携妓至因與功父
幼于分韻得真字

曲池風高吹白蘋雲間洛下來嘉賓開軒烹雌酌綠酒欣
見天涯為比隣何來趙氏連城璧隔水芙蓉妬顏色池上
雖無並蒂花人間別有雙飛翼試看池上兩鴛鴦戲水凌
波五色光漫道使君元有婦其柰羅敷先斷腸

馬登

采蘭辭

采采兮崇蘭
粼粼兮幽獨
將相忘兮入室
胡孤處兮空谷
豈九畹兮故遠
羗三秀兮匪族
漢名臺兮藏書
楚稱縣兮剖竹
春集英兮容臭
秋紉佩兮當穀
願同心兮與言
罔銷沉兮芳馥

五言律

庚寅元旦立春

歲事動郊墟
風烟梅柳舒
春從元並始
臘與夕俱除
綵仗迎新後
斑衣拜舞初
百年欣此遇
應得慰留畬

開歲同徐校書飲公瑕鑒止堂

瑩葉啓嘉辰
芸亭燕賞新
佳人矜詠絮
池柳報陽春
共昵

風期合非關履舄親飲醇元易醉不在酒重巡

四日仍同過盛國醫益壽堂夜飲

淑氣轉青蘋欣茲物候新素娥元有約勝賞豈辭頻燈火
千花夜才情四座春傾君上池水不醒醉心人

丁少叅應心七膺臺薦駸駸嚮用偶過小齋贈此

推轂重諸賢懸車今幾年須知丁令鶴應作帝城仙雲
月東山後聲華北闕前彈冠豈吾事擊壤樂堯天

開歲至上元陰雨漫作

陰雨浹旬餘頻翻卜筮書春風知有約何日到吾廬
落方始梅花勒未舒所欣耽閉戶不恨出無車

登李白酒樓

丁丑作業已失稿不盡記
因客請書湔足成之

不灑揚朱淚來登李白樓賦成遊八極名在自千秋水落
青徐出天空海岱浮酒人雖異代猶可挹風流

贈黃山人孔昭

之子八閩英遨遊世味輕箭書燕將泣華札漢侯驚江夏
無雙望陽春第幾聲忽來歸棹促何以慰逢迎

擬古

少別即經年多愁自惘然賦成黃絹後淚盡素絲前消息
從誰問音書托夢傳三生如有約猶可證青蓮

李度支得子協夢馬文學繪圖贈之為題

夢兆曲江春蘭房報勉身須知種玉後已及弄璋辰燁燁
雛成鳳振振趾是麟繪圖為左券持以俟絲綸

夜雨是日也按臺季公臨吳

子夜雨潺潺涼生枕簟間可祈南畝足更喜北窓閒抱甕
應蘇漢隨車果是顏夢田驚起坐雲月潤籬關

賦得海華別號

佳氣藹汀洲滄溟紫翠浮月寒龍是藏雲起蜃為樓鮫泣
雙珠夜鵬飛萬里秋黃山懸世望應可紹弓裘

立秋

一葉報秋初池亭暑漸除荷香捲簾入竹翠拂簷虛課子

披緗素承親御板輿江湖十年外母謂子非魚

送王玄達入京

上苑方推俊通家已屬君
臺成自隗始客有薦雄文才在
何論晚名高更逸群登樓望鄉土應見賦凌雲

憂旱

年年憂玉粟日日望商霖
祇見畢星遠翻疑旱魃侵
桔槔疲澤國祈禱竭桑林
涕泗歌雲漢安知天地心

賦得桂亭

結屋遠囂塵涼風愜賞新
門過大隱客招赴小山人
香逐秋聲入烟浮夜氣親
只宜金粟界不羨玉樓春

劉文學新居見招賦此

秋賞隔囂塵招尋別是春木欣疑擇主地勝信由人城近
棲鸞穩堂開賀燕新二難知欲并入座媿嘉賓

無田自慰

魚釜似萊蕪家人日待舖雖無田負郭亦免吏催租生計
慚鳩拙書香喜燕雛筆畔聊自給未是阮君途

呂崑山考績霑封

尚父發文孫蜚聲入帝閣雙鳧傳吏治兩口接仙源豈
必花成縣還誇王在崑高堂駐青髯赤綬拜新恩

過飲孫國醫新齋

乘興集君家房櫳駐物華庭前誇玉樹座上出瑤花摘釀
蘭陵酒池烹陽羨茶赤城仙路近正好卧烟霞

袁文毅司理寄示朱京兆諸公倡和新編

朱博持衡望袁宏佐理才相看青眼日俱是畫眉來處士
論文集將軍偃武回遙瞻清泰象無俟候三台

婁江舟中得星兒入泮之報

一水竭來輕蓬窓返照明山舍宿雨潤江借晚濤平虎子
始跳地龍門欣托名緘書付歸雁趣慰倚閭情

詠錢孝廉悼母

霜色萎靈萱長懷罔極恩啼鳥驚隴月弔鶴冷松門俎豆

遺規在栝棧口澤存板輿那可御愁絕二毛潘

題呂右轄世傳篇什

獨有見垣人偏高物外身會稽探禹穴勝國避胡塵奕葉
蟬聯重縹緗藻翰新襲藏充鄴架世德耀虞賓

贈歐郡博

宿望推明彥清流寄廣文傳經化成兩講道士如雲矩矱
看輪斲提撕識漏分無論太平策吾土即河汾

題藍邑博尚義表宅卷

琴堂宣化始表宅羨君先知有姜肱義能推卜式田庭祭
棠棣萼詩詠蓼莪我篇欲識貽謀在惟看奕葉賢

奉送石郡公四首

直道惟應黜清流，祗共憐百城。雙淚盡千里，一帆懸往事。
悲周舉，遐風憶趙宣。空懷國士遇，臨別倍潸然。
煩劇推吳會，循良屬楚材。朝陽聲價重，即墨毀言催。輿論
雖稱屈，狂瀾倒莫回。共期迎竹馬，何日使君來。
士庶雲填道，相持淚滿襟。爭深借寇意，其柰畏途心。門有
春風坐，庭無暮夜金。只看碑在口，未許遂抽簪。

萬石家聲重，欣承五馬過。豈無醇謹在其柰，激揚何道直
身。奚屈官清論，自多祗令朝野望。吳岳並嵯峨。

陳禹文予舊雨也，將有都門之行，贈之。

白晷憶元龍追隨野寺中相逢已遲暮把臂立春風草榻
緣徐下仙舟喜郭同京華多勝事莫惜寄征鴻

暮春為樂漫作

婚嫁幸已畢頭顱非故吾流光駒過隙時序蕤將雜掃徑
邀歌者開尊召酒徒遺風自江左只合醉當壚

題牧野圖

風塵高牧野殺氣暗全軍百六當龍戰三千出虎賁
揮落日鼓角動寒雲知有蟠溪老鷹揚翊聖君

顧道行學憲以豆生蘭酒見寄賦謝并訂入城之約
湖上片帆開欣茲尺素來右軍應噉豆畢卓可持杯心醉

千錢價詩慚七步才
停橈當計日應許
愜追陪

病齒

累日中賢聖通宵病
輔車計辭金谷讎
頻索玉川茶
支枕驚春夢
挑燈感歲華
來朝借藜杖
採藥逗烟霞

分得尼山壽傅太夫人

巖自商稱重山仍孔肖
形峯巒面顏母洞壑
孕坤靈七秩榮
護草千秋永婺星
絲綸計駢錫次第祝遐齡

慰孔炎宗公殤七歲孫

玉樹出藍田金鷲錫諱先寧
知師孔日已及夢鈞年烈祖
悲繩武嚴君泣象賢
非熊如有識應續再生緣

率宿兒送星兒赴試荆溪

計程三百里荆溪非遠征若為相送處惜別各含情負笈
從師友談經礪甲兵龍門期一躍發軔在茲行

荆溪舟回傅星兒家報

即次已云安書回喜共看潭光傅玉女山色送銅官旅况
從伊習親心對酒寬登樓起鄉思知在白雲端

為李生贈趙姬

飛燕作前身盈盈自出塵寧知射鳥者即是釣鰲人偏髻
梳仍懶輕衫樣獨新若將花比艷愁殺洛陽春

風雨懷星兒試荆溪

一別忽經旬驚心風雨頻老懷懸愛子弱冠作羈人
辨璧應歸吏觀光利用賓馳驅元可範直道有通津

湯應之憲副卧病詩以訊之

齒叨一日長交以百年期奈我追歡夜為君卧病時
對人顏覺瘦窺鏡髻應絲欲向維摩問齋心禮藥師

走筆和韻荅鍾孝廉

伏枕經旬月柴門謝客多空持伯牙操慚負子期過
舊望懸山斗新栽燦綺羅知君世詩品藻鑒欲如何

海上有警志感二首

邊警動扶桑先聲到洛陽竒功需傳介遠略寄陳湯羽檄

傳吳會車書阻越裳廟堂饒石畫何以奠遐荒
島嶼忽稱兵飛書達漢京樓舫誰樂戰都護合專征吐氣
多成蜃揚波半是鯨空懷破浪志擊節負生平

贈王佐擊思延

登壇尚少年繩武已翩翩元凱輕裘在脩期露布傳二宮
推衛尉三策快籌邊若遇王陽坂還應好着鞭

八月十二日與王佐擊思延張山人去華錢山人功
甫飲曲水草堂白公石下分得陽字

委徑延高駕流輝映草堂相依白公石同醉紫萸觴小隱
宜吳市名園媿洛陽漸看璧月滿莫惜遲清光

送王將軍思延歸信陽

迢遞將親命，殷勤訪華門。
和鳴應是鶴，命駕不須猿。
文武家，穀重詩書古道敦。
歸舟白雲際，明月滿乾坤。

表濱州祀名宦復祀興化鄉賢是作

渤海治推壘，殷華訝許同。
堂名標政蹟，祀典報崇功。
今古風流並，濱揚俎豆通。
高山常在仰，千禩兩巒宮。

送吳邑博公一歸當塗

直道與時違，毋嫌知我希。
畏途先解組，惜別獨沾衣。
末路青氈冷，歸帆化雨微。
敬亭山色好，應着謝玄暉。

過濠上為白六諸美邀留小酌歸輿口占

乘興步江皋，蘭房隔市囂。金人傾露掌，玉腕擘霜螯。老媿河陽果，凡叨曼倩桃。天台疑誤入，回首赤城高。

答表弟葉太學見戲二首

生平釣鰲氣，已付狎鷗眠。風浪豈無地，烟波別有天。計資黃綬拙，為政白雲偏。採藥餐籬菊，安知老歲年。勸駕虛勞汝，埋輪已自安。雄心陶濁酒，孤興寄清歡。須信裾難絕，毋論冠可彈。臨淵非有羨，偶學把魚竿。

送陳貞父會試便道謁侍御李公

梅柳動郊原，津亭一命尊。賦成新豹變，刺謁舊龍門。投轄還同孟，掃除應是蕃。天人知獨對，聖主欲臨軒。

題鶴鳴鵲噪圖送陳明府入覲

入覲紫宸朝，寧辭驛路遙。
鶴鳴應和子，鵲噪喜遷喬。
闕下鳧為舄，庭中樂是韶。
不須勞考績，天聽徹歌謠。

送陸孝廉會試

當年讀文賦，已識士衡才。
綵筆饒新藻，黃金有舊臺。
公車方薦剡，驛路正開梅。
知爾應居上，何嫌獨後來。

五言排律

送周令君晉擢天部

劇縣試操刀，名門一鳳毛。
下車時雨浹，行部戴星勞。
魏闕遊鳧舄，吳天渥雉膏。
風流持古道，意氣走時髦。
剡薦符明

試綸封見寵褒談經盡桃李折節下蓬蒿八柱雲為觀三
江雪作濤陟明輝祖德拔俊入天曹風度儀新令青微憶
舊袍驪歌慚下里心醉在投膠

孔炎子厚二宗侯父子膺薦

奕葉先宗盟南陽久著聲能書雙北海樂善兩東平高淮
知龍種新詩擬鳳鳴心旌懸魏闕道望重維城職謝三閭
掌支榮百世英詩標麟趾什易擅蟻封評剡薦綠青瑣綸
褒下玉京長裾那可曳遙憶若為情

七言律

上元劉太學光裕堂觀燈歸遇雪

春陰作潤鎖萼苔燈宴歡從勝侶開火樹空花天女散鰲
山明月夜珠來寒生不厭金尊倒興劇何妨玉漏催倚醉
遲歸衝暮雪却疑吹笛落江梅

送李使君叔玄復命還朝

經年使節駐長洲妙歲聲華等鄴侯豈必度支推課最自
持心計切民憂仙舟易與青山別關令難教紫氣留挂席
不嫌輕似葉已將風物錦囊收

舊嘗以一絕和仲和宗侯繡毬花之詠近見其諸刻
復成一律

參差一樹碧瓊瓏蟬蛻神仙面目同

綉球乃八仙所接通籍舊於

群玉府翻身新出蕊珠宮
天人夜弄紅樓月
蹋鞠春回水殿風
誰謂郢歌偏寡和
不令白雪自稱雄

蠟梅

已將溫草護蜂房
殘蠟誰融綴曉粧
第一湯勞誇綠萼
無雙先許擅黃香
亭亭憨態初消雪
奕奕檀心後染霜
金盃亦能供點額
不須逐隊學霓裳

寓崑不寐戲作

揜關久已息波瀾
即次方知行路難
騏驎欲舒千里足
鷓鴣未得一枝安
渡江酒對呼盧飲
同舍狂生秉燭譴
獨道羈人愁不寐
宵分支枕憶邯鄲

題陶太學道像

聞道淵明世澤長，王江別有一柴桑。
授教賈氏難容謚，何必華陽肯事梁。
五斗未沾遠北闕，一經畢老守東岡。
孫枝已見恢先烈，松菊應知徑采荒。

題陶孝廉遺像

計偕當日並公車，屈指風塵廿載餘。
瘞鶴已知歸華表，撫松空復歎遺墟。
寒雲酌酒三杯盡，落日棲鴉五柳踈。
漫道結廬人境遠，兒孫猶可大門閭。

登崑山

婁江東下海潮平，別有崑岡類削成。
窈窕扶携人作杖，嶙

岫瞻對石為屏烟霞不老長陽洞井邑疑聞子夜聲屈指
歸帆惟信宿何妨回首白雲生

送周撫臺擢南戶侍

紫泥朝下綠雲衢簡命方新重兩都獨坐轂華高北斗經
年膏澤徧東吳百城保障墻頭雉千里謳歌栢上烏豈必
甘棠思召伯緇衣還擬頌司徒

陶懋謙別號恒嶽志感也廷韓為繪圖屬予題其上
一從結綬屬蕭朱伐木勞歌久向隅交道何如晏平仲世
人孰識管夷吾手中翻覆為雲雨眼底常山失寶符弘景
耳孫應接武素心不易寄披圖

湯興

長缺歸來定未遲
短文空遣北山移
湯言桃李成蹊徑
須信縱橫似奕棋
萬里天高鷓鴣觀
九重雲擁鳳皇池
為傳箕踞科頭處
不必朱門悲路岐

賦得金閭城送林邑博

芳尊祖餞闔閭城
化雨初收山氣清
興世右文經二考
微官左轉別諸生
天招湖上林逋隱
人惜江都董仲行
此去家園盛桃李
三吳應羨八閩英

馬北部考績北上贈此

馬卿聲價重長安
抗節何須柱後冠
湯遼風塵勞案牘
由

來砥柱任波瀾賦成不用鄉人薦宦拙寧辭仕路難考最
未妨青鬢改 皇明應鑒寸心丹

喜雨

朝聞賢牧禱山陽未晚玄雲覆短塙震澤神龍應鼓舞離
方大火欲潛藏數峰行雨寧論楚千里為霖不羨商水氣
何須占少女已看膏潤瀉天潢

趙仁甫左遷九江見寄落句羨予北窓眠戲荅

郡理何當得左遷廣文官冷素書傳須知白璧元無玷却
笑青衿似有緣首首儒餐空竈下佳廬山色滿門前北窓
到處堪高卧經筵由來屬孝先

懋昭曳裾魯門一日失所依將往謁沈明府便道歸

吳贈之

秋風客散孟嘗門
垂老歸來一劍存
趙勝不收毛遂薦
如姬寧報信陵恩
五男負販鳩巢拙
千里驅車馬足煩
誰謂窮途竟蕭瑟
須知寒谷俛春溫

送別駕斗陽張郡公以莖檄暫歸

藹然冬日舊冬官
宦拙其如行路難
漫說才名三影重
不教心事四愁寬
斗間雙劍何時合
江上孤帆祗自看
物理屈伸應倚伏
寄言惟有一加餐

邊信

當年回紇餽葡萄此日徵兵促羽毛太白一星經井畢天
驕萬騎走臨洮廟堂葉似和戎便邊徼功誰破虜高老去
應無囊底智請纓久矣負龍韜

梅八子馬自白下携所歡過吳示予新刻未幾有吳
興之行贈之并訂回舟之約

澄江如練片帆開知是留都作賦來入市忽疑仙尉隱載
施還似子皮來集成廬嶽詩千首月醉蘭陵酒百杯叨到
霽川應不久揭來莫待榜人催

送詹刑部汝欽請告歸閩

三事方升四乞休片帆遙作八閩遊直聲當日倡鳴鳳鄉

思臨秋謝爽鳩 溫詔尚容長孺憇
烟波偏引計然舟
廟堂漫有和戎策
安石東山不可留

徐少宰新堂落成奉賀

恩綸未許逐初衣
堂構惟應近紫微
卜築暫時開綠野
起家計日入黃扉
徵蘭已兆三芝秀
賀燕先將五鳳威
聞說蒼生待安石
可容雲月借光輝

楊校書過池上看鴛鴦因為顧曲之集兼懷梅子馬
客來池上看鴛鴦
人擬吹簫引鳳皇
酒畔未春先黍谷
歌澆無樹不鶯簧
連城暫去應歸趙
傾國重迴亦是楊
莫恠夜闌雲掩月
偏宜燒燭更飛觴

聞徐士彰給諫有浙省僉憲之擢計將道吳門賦此

送之

鳳皇城裏鳳皇鳴三載高懸青瑣名奸膽昔年寒激濁外
臺此日快揚清條陳已見甦民瘼撫字應須屬老成誰謂
升沉終契濶一尊猶可慰逢迎

頌太守石公二首

墾田亦可問南陽郡國於今肅紀綱鮑永下車三尺法李
膺破柱九秋霜公庭雷厲摧強禦巨室風靡見激揚知是
趙宣能舉厥更看清望重巖廊

古吳新政肅風猷何俟齊民祝麥丘分野福星明執法狂

瀾砥柱在中流芝蘭勤植荆榛剪狼莠頗除黍稷收兩漢
漫誇彊幹吏石奢家訓自千秋

題松竹梅壽鄭廣文

廣文雅望重明時寄跡青氈化雨宜九萬一飛霄漢氣百
年三友歲寒姿公庭論道琴堂靜講席譚經花影移計日
天人應獨對肯令潘鬢上雙絲

彭美徵謁徐少宰於陽羨因託之製筆久而未歸作
此懷之

陽羨盤紆罨畫長寒波一葉泛滄浪懸知徐邈應中聖會
遣彭宣到後堂腕穎筆公當不負渡江酒對得無傷園廬

別有新聲在歸日還須醉羽觴

哭朱典籍道光

當年佔俾媿齊名蕭寺筠窓憶締盟
偃蹇一官淹郡博蹉跎再命屬司成
塊間讀禮方家食天上脩文已籍名
海內于今幾兄弟寒雲鴈斷獨心驚

題羹人寫真

一從鏡裏顰蛾眉重見崔徽點素絲
豈是陳平誑胡虜得非延壽賣明妃
亭亭玉立渾無語忽忽珠嚙若有思
藉使廟堂徵畫史濡毫應肖築巖時

郡太守石公偕諸郡公見臨因過小園是作

傳呼賢牧枉高軒，敝帚何堪掃華門。
戲水鴛鴦俱借色，映堦草木盡承恩。
連羈共擬群龍集，折節寧知五馬尊。
應是垂情僵卧久，忽令寒谷報春溫。

先是郡太守石公拉諸郡公過小園看鴛鴦無何陳明府繼至因與兒輩論文是作

前日小園迎五馬，今朝曲沼下雙鳧。
共海鷗相狎，又寧知匹鳥沐恩殊。
光榮敢謂文章力，顧盼應將羽翼扶。
信是龍門聲價重，品題直作鳳皇雛。

送劉汀州擢叅楚憲

東南馭歷久蜚聲，黻座高題劉寵名。
舊借海邦雄五馬，新

開憲府肅雙旌當春玉樹中庭蔥祖席驪歌上苑鶯漫道
福星顯楚澤清朝計日入持衡

鄧保御有救母奇節夫婦雙壽為別駕公賦

鍾陵佳氣藹長春靈壽應扶孝義人術擅青囊官保御身
嬰白刃拔慈親堂前百歲冰霜勵膝下稀齡拜舞頻計日
重封知有待高門先已煥絲綸

寄葉明府表弟於玉田

妙年馮翊試分符籍甚聲華滿帝都瑤圃春明花是縣
金臺日近寫為鳧折腰作吏身非苦連袂歌為業自殊青
瑣乃君家世事佇看端笏向天衢

白堤舟次觀朱鴻臚在明女樂

盡日方舟水戲張酒醒殘夜出新妝重傾醅醑浮鸚鵡再
展瓊綸舞鳳皇堤畔直應呼白傅曲中豈必顧周郎相看
只問今何夕莫笑狂生老更狂

顧學憲芳巖伎入城縱觀逆日作

絕代新聲信宿聞秦青優孟總輸君飛觴剛及春將半歸
路翻燾夜未分喚醒百年蝴蝶夢粧成一隊鳳皇群主人
顧曲如公瑾奇字猶勞問子雲

和人無題之作

蓬萊山北武陵西道遠其如夢易迷春去催教花落溷愁

來喚起絮沾泥三生未必成黃絹萬里猶堪訪碧雞安得
靈犀通一點須知不羨陟丹梯

鄧太素孝廉以詩贈予兄弟次韻答之

倦游小隱似墻東千里襟期信宿同命駕止談今夜月班
荆知有古人風天衢神駿應難附下里冰蟲愧未工老我
塤箎俱漫興任君春雪獨稱雄

無題用長慶體

小樓獨夜倚殘缸恠底春心老未降誤擬所歡風動幕驚
回幽夢月窺窓時移不耐毛侵二才在空憐士少雙無限
人間惆悵事片雲依舊隔湘江

懷白歡

王昌初嫁歛蛾眉秋水盈盈強自持
祗謂當歌聊復爾不圖嬌唱至於斯
運斤獨擅人間巧舞劍應輸分外奇
只恐綺筵徵召數入春暗減小腰肢

獨立

梨花雜遝錦屏開仙侶頻啣張翰杯
豈必狂生能顧曲亦知幼婦解憐才
南來麥候乘時轉西去蘭橈幾日回
新霖遙應多勝事含情獨立小平臺

贈張郡公

自是銓掄重楚材乘槎早拂斗牛迴
鳴琴舊著安仁績視

篆仍聞淮海推執法威聲傳募國下車新政庇蘇臺勤宣
漫說埋輪事會見恩輝日下來

毛肇明方叔觀褚蓋甫楊濟卿蔣公鼎文夢珠六君
挈過承天寺張女戲作

禪房幽徑曲池邊選勝徵歌得地偏女子似從安忍國酒
人堪比竹林賢臺荒亦見垂青柳杜散重看禮白蓮其道
眼前超淨土不知今夕是何年

送沈郡公擢比部赴任留都

五年佐郡著循良千里英聲遠帝鄉宦入鳩司猶似拙
名同鷹化亦稱揚賢勞已覺腰圍減吏隱行看藻賦長莫

原缺

去才情不讓人鏡裏半留青鬢在眼前全覺白頭新無魚
亦是垂綸處猶藉烟波着此身

夏日自遣

涼生灌木晝陰陰好鳥時傳風外音
莊叟未能輕楚相許由何必達堯心
尊空北海難忘酒坐有南薰不俟琴架上
一經堪教子肯令顏色盡黃金

夏日徐懋新邀過城南別業

城南幽勝俯滄浪水竹陰森覺晝長
忽亂心旌綠苧曲時通鼻觀是荷香
雨無新舊皆駈暑風有雌雄捲送涼
中聖自君家世事勸酬肯惜醉飛觴

夏日送郡太守石公

頌聲載道雜歌驪行李蕭然表素絲
三載甫成安堵績一封已創伐棠詩
薰風不解吾民愠明月常懸去後思
誰謂爍金惟赤日也應昭雪慰臨岐

叔起懋新肇明仲明次第携酒過小園作

載酒徵歌枉俊人長林永日絕風塵
直須痛飲如河朔豈必投竿學渭濱
琥珀香浮花影亂水晶盞滿藕絲陳
群公共有雲霄氣暫向高深逐隱淪

王達生亡其愛妾賈氏為賦挽章

乍聞名字冠平康已見吹簫狎鳳皇
柰可王昌今日淚忽

沾韓壽舊時香容光未謝催春去心事難言有夢償漫說
蓬山應駕鶴芳魂只在合歡牀

求東陽酒不得追憶曩歲少宰趙公汝邁之惠

由來美酒屬蘭陵若比^前溪浪著^此殼此夜一尊何處覓今
時三白滂勞傾糟醕自可供鋪歡賢聖無煩辨濁清却憶
昔年豪飲日百壺分給^穎名卿

追憶蔣子徵少叅惠東陽酒因戲答文子排明府徐

抑之司理

湯遣文翁令浦江虛教徐邈李東陽瓦盆空憶金人露澌
水難分玉女漿豈為季鷹憂作病不容司馬潤枯腸一從

蔣琬投醪後寂寞于今媿羽觴

題公瑕城南別業

亦知塵境有林泉重見吳中葛稚川
魚鳥自親蓮社客熊羆已卜渭濱年
招綠桂譔元同隱人好樓居亦是仙
更喜赤城鸞樹近不須遙羨鹿門烟

寄謝王洗馬胤昌并志所感

地濶天長祗夢通孤懸明月大江東
人間落魄誰如我海內神交幸有公
夜報鯉魚沾舊雨朝承雛鳳識家風
洛陽城郭峩峩裏其柰時情妬入宮

答杜子庸少府兼懷陳玉叔廷尉

鳳城秋色大江濱
潮落秦淮客問津
吏隱憐君黃綬拙
交知媿我白頭新
戰肥翻覺張衡樂
太瘦偏宜杜甫貧
聞道名高仍有托
年來結襪屬何人

送馮憲副督學蜀省

清時叱馭似王尊
秉憲持衡禮教存
雲出九峯蒸化雨
水流三峽溢詞源
文星再入仍為使
簡命重新亦是恩
遙望錦江春色好
須知桃李在公門

九日得石郡公汝重書

秋老悲歌行路難
孤飛白鳳碧梧寒
楚珩去國元無玷
趙璧連城本自完
千里素書回夢澤
九重丹袞隔長安
登高

極目浮雲蔽命酒盞追落帽歡

寄別駕叔於蘭州兼呈諸使君

豈惟先子白眉良叔父賢聲亦季方剛得一州如斗大不
辭萬里似天長官羈委吏腰仍折身滯邊城鬢已蒼為說
許丞堪噐使須知重聽亦何傷

夢李本寧示予新集中一篇擬陳濤斜且謂與予同

門因相譏謹紀之

新詩忽讀李供奉古調頗似陳濤斜本為異域金蘭契誤
擬同門桃李花夢裏觥籌成譴浪覺來枕席生烟霞雲飛
泥蟠不相及大笑挑燈天一涯

壽徐大宗伯

堂開綠野雜觥籌良日稱觴紫氣浮八座聲華高北斗千
秋世德重南州青鸞獻舞張夔樂白練成川起傅舟正是
蒼生望安石豈容雙屐老林丘

黃大叅以侍養得請奉贈

十年駁歷重虞賓申命滇南屬望新青髻暫辭朱綬貴斑
衣且奉白頭親試看一日成千載始信無雙有二人更喜
竇林森桂樹須知次第向通津

送葉處元給諫主試江右復命還朝

熙朝顓俊紫泥分簡命掄材屬鳳群江表龍光元射斗握

中豹變盡成文賢書炳耀歸青瑣使節繽紛動綵雲遙計
上林春似海定知桃李半從君

胡元瑞來寓曲水草堂失去歌者趣裝東歸戲之

問郎何事泣前魚良夜歌殘斷袖初陳孟正思投客轄子
瑕先已駕君車雲迷緱嶺秦簫咽潮落婁江楚夢虛此去
蓬窓對寒月一尊可否慰離居

開東禪寺開講作

沙門說法動生靈冠蓋聯翩鼓聚螢名教豈云無樂地禪
林何必有盈庭前驅墨道干朱紱左袒緇流晦素經不盡
祀愛誰可語衆人方醉屈原醒

喜郡侯逐散講經僧人

年來雙屐轉紛紛無復東山履白雲
競向終南尋捷徑計言糞北欲空群
談經豈必天花墜聽講惟求太宰聞
不是賢侯憂隱伏驅除誰為掃妖氛

五言絕

題畫炭上蒲為梵巖和尚

誰將韓終蒲托根豫讓炭色相本來空
現出菩提案為吳公一教諭題吳中十景障子

西山含豹霧
石城隱深綠
忽開閭闔門
光華耀朝旭

右閭門曉霧

春陰蔽山麓不見山容陡忽聞風雨聲却疑獅子吼

右獅山春雨

踈鐘鳴山顛晴雲從空起空中瞻色相仍在虛無裏

右上方晴雲

石鏡涵澄泓葱蘢蔭林樾疑是洗頭盆照見烏雲髮

右天池樹陰

支策恰春遊步入桃花塢籬落自通津那得迷漁父

右桃塢香籬

同雲覆天平飛霞遍巖穴牙章挺萬笏崢嶸拜銀闕

右天平積雪

金精成虎阜寶光浮鴈塔影入龍潭裏題名報閻闔

右虎丘塔影

昔作吳宮井洗妝雲樹濕今供佛前花空山僧自汲

右靈巖雙井

三江入震澤三萬六千頃中浸廣寒宮波搖弄清影

右太湖秋月

選勝虎山橋揚舠出胥口不盡望洋心應寄題橋手

右虎山畫橋

春夜曲

春色漸無賴春心轉不禁幽期負良夜惆悵立花陰

明妃曲

獨自抱琵琶悲風引暮笳誰知胡地月還照漢宮花

蘭

空谷托孤根同心豈俟言不隨衆草薶猶喜未當門

六言絕

漁

清明偏宜晒網陰雨亦可披蓑自理江湖舟楫不愁廊廟風波

獵

非熊遇渭川載牽犬出上蔡門禍福無不自己禁枯莫問

乾坤

樵

負薪只宜歌市披裘豈取遺金斧斤何妨深入豺虎不在
山林

牧

在審本當扣角入秦猶可飯牛卜式自願助國平津何事
封侯

七言絕

題顧中舍為錢山人畫

雲山歷歷樹蒼蒼十里秋容帶草堂豈獨雲川工黛筆華

亭亦自有長康

五夜聞鐘

殘月明樓好夢成
忽聞遠寺曉鐘鳴
已知來日應開霽
早起看山數翠屏

詠黃明府衙齋芍藥上甘露

若為仙掌金蓮露
忽降河陽縣裏花
豈必飛鳧向丹闕
無雙名已重京華

池上梨花盛開有感

盈盈一樹覆池塘
寂寞闌干欲斷腸
春雨滿園門自閉
不知白雪為誰香

經江上故樓

子夜離歌五夜鐘
夢回何處覓仙蹤
綵雲一散無消息
知在巫山第幾峰

桃源三首

一自諸王并入秦
當時無地不秦民
只知徐福求仙去
不道桃源更有人

春色年年暗裏催
桃花處處逐春開
桃源只在人間世
何事漁郎不復來

尋真亦可躡丹梯
何得桃源路獨迷
世上元無問津者
非關桃李不成蹊

贈鈞關上人

靜掩禪關晝不開
任教竹徑鎖莓苔
香臺花落茶烟裊
應是山僧入定回

聞鶯有感

珠喉當日度新聲
百鳥林間不敢鳴
一自仙郎騎鶴去
去年枝上轉流鶯

偶作

昭陽花發夜承恩
天遠蒼葭鎖禁門
應有侍臣憂觸瑟
宵分頻望紫微垣

豆雜米中為飯戲作

種時幸熟南山下
煮日何須泣釜中
驚馬漫勞頻戀棧
已隨香稻足殄饗

牡丹孔雀

姚黃魏紫自森森
應有炎方偉鳥臨
拍尾方知馴欲舞
不徒孔氏號家禽

茉莉

大火西流入夜涼
酒酣支枕竹方牀
夢回疑入羅浮界
却是中庭茉莉香

憶遠

夢中憔悴使人憐
病裏馳驅北到天
莫道前門成遠別
好

加餐飯待歸年

池上得都下書

曲池日暖戲文魚池上寒英照水初胡馬未歸邊餉急無
端忽見薊門書

入山見草中殘碑志感

斷碣殘碑宿草齊高街漫自借金闈當時若得名流筆夜
讀還堪幼婦題

讀淮西碑

冒雪提兵亦履危蔡州城破衆方知勒功不入淮西石應
有文昌代退之

夜合

接葉分莖度晚香
新妝輕紫映鵝黃
朝開夜合寧無意
欲向佳人錦瑟傍

傳灌園畢懷子繩

浹旬簪筆度新詞
調入陽春寒和宜
流水高山無限意
撫絃誰復是鍾期

偶荅

藪林松檜繞龍鱗
何必長纓是俊人
莫訝市朝頭易白
烟霞只護不羈身

感事

度土誅茅甲第開
醒狂不見蓋公回
須知瓦礫薰蕕地
曾有高門閥閱來

風信

迢迢歸路幾時通
側側春寒曉夢空
豈是長河感凌水
不然應避石尤風

戲作二絕

嬌歌一曲過行雲
苴蕙枝頭忍見君
柰可所歡留不得
春心空寄石榴裙

騎鶴湯誇腰萬貫
撰碑何必字三緘
千條弱柳黃鶯度
百轉新聲白鴿鹽

題希夷熟睡圖

桃熟瑤池幾度春先生猶是夢中身五龍自有真傳在不
似邯鄲枕上人

客寄惠五加皮適督池上種葵因訂徵歌之約

門前忽餽文章草池上方培旌飾花待得新聲建旗鼓即
看勲業在山家

酒價日高戲作

從知三百與千錢何得新豐斗十千秫米不能供麩糲其
如田事歉連年

惆悵二首

交加紅紫小樓春獨有瓊花解惱人漫說桃源仙路隔眼
前惆悵是迷津

漫扶殘醉小樓東不道巫陽有夢通最是夜深惆悵處滿
窓明月半牀空

殘夢

造次空憐夢裏身夢回回首惜餘春數峰自在行雲散腸
斷峯前作賦人

枕上聞鶯

綠楊信宿瑣陰蘿霧色何緣忽自開豈是嬌歌應入耳鶯
簧先到枕傍來

卧病不得赴公瑕王園之約

山亭綺席俯清池入座春聲對酒宜
偃蹇自來多腹痛
廣平元不盡王卮

題梧鳳圖

高岡雲外挺高梧來往浮雲自有無
千仞覽輝元不下
湯勞腐鼠嚇鷓鴣

夢與人講易

窮經矻矻檢常編
回首燈窓二十年
何事良宵清夢裏
無端猶復向人傳

大風雨

正喜冰輪來海上黑雲倏忽蔽長空翻盆入夜成霖雨拔
木通宵作颶風

蘆花

年年驚見蘆花白想得蘆花亦笑人蘆葉白頭春更綠笑
人頭白不重春

題梅

孤標偃蹇歷嚴冬厲雪凌寒矯玉龍信是宋君能體物不
妨草莽雜丰茸

客有鬻珠不售者賦此言之

昆明池上罷垂鈎明月何能不暗投莫恨驪珠混魚目從

來定價俟千秋

梅子馬席上走筆贈薛五

滂說當年萬里橋，綵箋翻樣給揮毫。寧知此日濠梁上，重見金閭有薛濤。

霧

曉起中庭濃豹霧，渾疑泛海觸鯨波。通衢自合無人跡，敝榻如予高卧何。

贈別何无咎

詩成春雪和應稀，楓落吳江客授衣。東閣梅花待何遜，西風會送片帆歸。

懷里姪試金陵

鳳城秋色漸離離
潮落秦淮月上時
想得阿咸初戰藝
應尋蘇氏舊蟾枝

詠燈草

不從腐朽化飛螢
幸入銀缸照畫屏
一自出山為小草
寸心那復有長明

題觀奕圖

拂石敲棋不計春
輟樵觀奕暫怡神
歸來城郭人民改
惟有青山是故人

紀夢

老去雄心付酒杯，已知勲業不然灰。
棘圍戰藝非吾事，誤入邯鄲夢裏來。

題圖花草絹扇寄遠

不將灑芷與江離，統扇殷勤寄所知。
莫為秋深便拋擲，游塵猶可障元規。

邊事

宵衣旰食九重天，李牧空勞在北邊。
漫說廟堂持勝筭，不知何日勒燕然。

經年樞府議和親，萬里封章入紫宸。
但許留侯借前箸，指揮如意靜胡塵。

道傍築室幾時成塞上烽烟徹夜明捫虱為君譚戰守須
知間諜是長城

隻輪匹馬莫教還塞上勲名指顧間為說卞莊能刺虎須
看慟哭過陰山

洮河虜騎着雲屯超距由來待主恩側席莫憂邊餉急須
知外幣在私門

犬羊驕狡自從來汎駕還應是駑駘聞說殿庭思頗牧莫
須行伍有奇才

漫云刁斗獨分明習服由來藉土兵臂掌若教常運指豈
惟李晟是天生

天驕西牧竟忘歸腸斷材官老鐵衣對壘不須愁豕突個
中先着在當機

聞歌戲作

萬絲聚裏嘯流鶯腸斷春風第一聲獨有朱門豪飲客任
人惆悵不關情

夢遊佳山水

輝煌蓬島似丹丘恍忽春光倏忽秋却笑癡人圖障子輸
予清夜夢中遊

枕上看月

少年愛月不知寒霜落中庭更倚闌老去畏寒耽襖被滿

以實事錄其一二卷之二
三
窓明月夢回看

分得蟠螭懷李使君

傍湖脩額似螭螭萬樹桃花照碧湍
一自使君行部後至今春色在闌干

蜿蜒一曲倚巖阿網罟桑麻出棹歌
盡道太湖三萬頃君來無地不恩波

題徐懋新所藏文太史畫畫為其從祖中丞作

松林策馬俯潺湲半幅桑皮妙墨存
誰謂楚弓人可得青氈依舊屬文孫

陳孔信吳人也已占籍粵後以詩遊吳贈之

羅浮仙客客金閫回首家山望五羊孤館莫須添旅况三
吳元不是他鄉

為徐承貽遜贈素娥

幽棲鸞樹碧城陰淡掃蛾眉顰玉簪遙想垂虹明月夜相
挑豈必是琴心

羽行學憲玄予明府同集彭齋羽行以酒力不勝先

去玄予汝金作詩潮之漫為繼響

若為浮慕步兵厨秉燭先拋舊酒徒此後逢人譚飲德休
誇斗石醉淳于

宴起

年華拋擲是忙時却喜投閒懶性宜一枕白雲春睡足滿
窓紅日起來遲

懷從弟鄱陽簿來仲

家遠長洲久別兄官卑短簿亦知名湖鄉倘乏厨中酒右
轉還須得步兵